



LEGENDE ODUŠEVILE TUZLAKE

Novinar: Edita Muharemagic, Datum objave: 18.06.2011

Tuzlake je sinoć u prepunoj Velikoj sali BKC-a oduševila grupa Legende, pjevalili su se stari ali novi hitovi. Ovo je njihovo drugo gostovanje u našem gradu budući da su pri organizaciji prvog koncerta sve karte bile prodate u roku od tri dana.

Grupa Legende svoj prvi album objavljuje 1988. godine. Stil koji ova grupa njeguje najbliži je starogradskoj muzici, mada sami članovi grupe, ne vole da stavljaju bilo kakve definicije. Kažu da je to mješavina raznih muzičkih pravaca i da mogu svirati ama baš sve. Uvaženo je mišljenje da je najteže napraviti neki svoj izraz u muzici, a članovi Legendi misle da su u tome i uspjeli i da to ne treba mijenjati.

Tuzlaci su već navikli na njihove nezaboravne svirke stoga su se i odazvali u velikom broju, a organizator i domaćin i ovoga je puta bio BKC TK. Prije nego što je postao pjevač grupe, Ivan Milinković je devet godina bio u Beogradskoj operi, od toga pet godina u horu i četiri godine kao solista u sporednim i glavnim ulogama. Sa statusom estradnog umjetnika neko je ko je dobio veliki broj nagrada.

Kako kaže, u BKC-u osjeća da je blizak publici jer mu ambijent to omogućava a što dokazuje i prethodni koncert na kojem je bilo puno emocije.

Legende ćemo sigurno gledati ponovo, jer kao što kaže jedna njihova pjesma – Kako da te izbrišem.